

¡BOMBA!

¿Será que el poder desgasta?
¿Habrá quien no lo sospeche?
Para saberlo en Campeche,
¡con una sóla ida basta!



K'uintsil

Jueves 30 de julio de 2026

CAMPECHE · YUCATÁN · QUINTANA ROO · AÑO 12 · NÚMERO 2778 · www.lajornadamaya.mx

Kaxta'ab kex 179 u p'éel úuchben yéetel k'a'anan nu'ukulo'ob ichil áaktun Mundo Zoque, tu kaajil Cintalapa, Chiapas

Tu chuumukil Arco del Tiempo, jump'eel nojoch ka'an ku chiikpajal tu cañonil río La Venta, tu méek'tankaajil Cintalapa, Chiapas

Ajxaak'al máako'ob, ti' u mola'ayil Instituto Nacional de Antropología e Historia (INAH) tu kaxto'ob jump'eel áaktun tu'ux yaan 13 u p'éel úuchben kúuchilo'ob tu'ux ku beeta'al ritualo'ob, ti' le je'elo'obo' yaan 179 u p'éel úuchben nu'ukulo'ob. Le je'ela' ti' kaxta'ab tu chuumukil Arco del Tiempo, jump'eel kúuchil yaan tu cañonil río

La Venta, tu méek'tankaajil Cintalapa, Chiapas. Ba'ax kaxta'abe' jump'eel ti' le maas k'a'anan ba'axo'ob kaxta'an ti' u ts'ook ja'abilo'ob te'el baantao'.

Aaktúune', k'aaba'inta'an beey Mundo Zoque, kaxta'ab tumen jguía Jairo Díaz Barreiro, máax táaka'an tu múuch'kabil Alianza de Empresarios del Segmento de Naturaleza AC, máax tu k'a'aytaj tu winalil enero tu táan Centro INAH le ba'ax tu kaxtajo', tumen beyo' béeychaj u verificarta'al tu winalilo'ob febrero yéetel junio.

Máax jo'olbesik u mola'ayil

Miatsil ichil u Jala'achil U Noj Lu'umil México. Claudia Curiel de Icazae', tu ya'alaj "u kaláanta'al patrimonioe' ku béeytal kéen béeyak u yantal tsikbal ich kaajo'ob, beyxan mola'ayo'ob beetik u meyajil xaak'al yéetel u kaláantiko'ob. U kaxta'al u yáaktunil Mundo Zoque' u chiikulal táan u yantal le múul meyajil je'elo', tumen lelo' ku ts'áak u páajtalil u kaláantik úuchben kúuchilo'ob, ti'al beyo' k ya'abkunsik ba'al k ojel yóok'olal miiatsilo'ob chiikbesik u noj lu'umil México".

Ba'ax kaxta'abe' táakbesa'ab ichil u proyectoil registro yéetel xaak'al ku beeta'al ti' áaktúuno'ob yaan tu cañonil río La Venta, beeta'an tumen Dirección de Estudios Arqueológicos del instituto, yéetel jo'olbesa'an tumen j xaak'al k'ubéenta'an ka meyajnaj tu kúuchil Centro INAH Chiapas, Josué Lozada Toledo, ich múul meyaj yéetel x arqueóloga yéetel escaladora profesional, Martha Arcelia García Sánchez, beyxan yéetel espeleólogo Gabriel Merino Andrade.

K'iintsil / P 17
Oochel INAH

